



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

CXCVIII. Clemens VI. Anno Christi 1342. Imp. Occid. Vacante, Joan. Palæol.
2.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

Pagium in vita hujus Pontificis §. 17. ait, eum dicere solitum fuisse: *Sacerdotem secundum ordinem Melchisedech. si verus futurus sit, sine patre, sine matre, sine genealogia esse oportere.*

(4) Promulgatâ constitutione: quæ incipit *Benedictus Deus* 4. §. 3. Quam sententiam prius illustraverat scriptis, quorum partem ex Codice MS. Vaticanæ Bibliothecæ Annalibus suis inclusit Raynaldus ad an. 1333. §. 59. ad an. 1335. §. 9. & ad an. 1336. §. 4.

(5) Ptolomæus Lucensis apud Baluzium in *Vitis Papparum Avenionensium* tom. 1. pag. 236.

CXCVIII.

CLEMENS VI.

ANNO CHRISTI 1342.

IMP. OCCID. VACANTE, JOAN.
PALÆOL. 2.

CLEMENTI VI. Lemovicensi, cui antea nomen *Petrus Rogerius*, Nonis Maji anno 1342. Catholicæ Ecclesiæ cura mandata est. Ad hunc misère Romani Legatos, inter quos Petrarcha anno 1341. Poëticâ laureâ donatus, rogantes, ut in Urbem rediret. At moram in transalpinis regionibus excusavit causa reconcilian-

Rayn. an.
1342. §.
6. 20. 22.
Spond.
§. 2. 3.

Eee 4

di

- di Christianos Principes. Adhuc enim Francos inter & Anglos bellum flagrabat. Ratum habuit anathema ab decessoribus suis latum contra Ludovicum Bavarum, iussitque Electores Imperii alium in ejus locum subrogare, subrogatumque Carolum IV. Moraviæ Marchionem, filium Joannis Regis Bohemorum, statim confirmavit dato diplomate. *Jubilæum*
- Rayn. an. 1343. §. 42. 59
Spond. §. 1. 2.
Rayn. an. 1346. §. 1. 1
9. 30. 34
Spond. §. 1. 2.
Rayn. an. 1348. §. 11
Spond. §. 4
Rayn. an. 1349. §. 20
Spond. §. 2
Rayn. an. 1352. §. 21
Spond. §. 14.
- quinquagesimo quoque anno deinceps celebrari voluit. (1) Joanni Normanniæ Duci, ejusque conjugii indulgit Eucharistiam sub utraque specie, quo sacro beneficio auxit etiam Regem Francorum Philippum VI. uxoremque ejus, & Ottonem Ducem Burgundiæ. (2) Cælitibus annumeravit B. Ivonem Presbyterum Gallum, advocatum pauperum. (3) Avenionem ab Joanna, Apuliæ Regina, & Provinciæ Domina emit *pretio octoginta millium Florenorum auri de Florentia*, (4) amplificavitque in eadem Urbe *Ædes Pontificias*. Damnavit sectam *Flagellantium*. (5) Edidit constitutionem de comitiis Pontificalibus multò leniorem constitutione Gregorii X. (6) Mortem oppetit VIII.

VIII. Idus Decembris anno 1352. exacto Pontificatûs *anno decimo, & mense septimo.*

ANNOTATIONES.

(1) Editâ constitutione, quæ est in Extravag. *Unigenitus 2.* de pœnitentiis & remissionibus, inter Communes, & apud Raynaldum ad an. 1349. §. 11. Basilicis SS. Petri & Pauli, in quibus orare debebant Christiani ad *Jubilæum* lucrandum, addidit Lateranensem, & Gregorius XI. Liberianam ædem S. Mariæ Majoris.

(2) Vide Raynaldum ad an. 1344. §. 62. & ad an. 1345. §. 37. Nunc Reges Francorum non utuntur hoc jure, nisi cum inaugurantur, & mortî proximi.

(3) Anno 1347. ad quem annum Raynaldus §. 34. solemnes *Canonizationis* ritus hoc tempore servari solitos describit ex veteri MS. Vaticano auctoris cœvi, qui *in aula Pontificia rituum formulis præerat.*

(4) Spondanus ad an. 1348. §. 4.

(5) *Flagellantes* orti in Italia propagati sunt in Germania præsertim & Gallia. Docebant, ut mittam errores ceteros, non posse æternam beatitatem consequi nisi eos, qui cruentati flagellis ipsi se baptizarent sanguine suo.

(6) Nimirum Cardinalibus in Conclave congregatis duos famulos concessit Clericos, seu Laicos: in prandio, cœnæque,
Ecc § Præ-

præter panem, vinum, aquam, indulget
missum carniū, piscium seu ovorum,
confectūque ex carnibus seu piscibus em-
bamma: insuper carnes sale conditas, her-
bas crudas, caseum, fructus, adjecta con-
ditione, ne quis vesceretur ferculo alieno:
eisdemque, cum in lectis quiescendi cau-
sa, vel dormiendi esse voluerint, permi-
sit intermedia, seu velamina simplicium
cortinarum. Hæc ex Clementis VI con-
stitutione §. quæ exstat tom. 1. Bullarii
pag. 279. & apud Raynaldum ad an. 1351.
§. 39. Vide annotat. 2. ad Gregorium X.

CXCIX.

INNOCENTIUS VI.

ANNO CHRISTI 1352.

CAROLI IV. ROM. REG. 7. JO.
AN. PALÆOL. 12. ET JOAN.
CANTACUZENI 6.

INNOCENTIUS VI. Lemovicen-
sis, antea *Stephanus Alberti*, Osti-
ensis Episcopus, anno 1352. XV.
Rayn. an. Kal. Januar. Pontifex dictus est, in-
1352 §. 2. auguratusque III. Kal. mensis ejus-
Spond. dem. Is constituit, Prælatos & alios
§. 18. beneficiatos in curia, illic tunc morantes,
unumquemque ad suum Beneficium perso-
na-